

居家必用方

難產經驗良方
如不用轉送人

序

余於光緒壬寅年荷月在里居時家人有生產
三四日不下者蒙友人董仰之君持贈此方得
以保全數年來於親友家有難產者勸服此方
屢試屢驗無不立效洵催生良方也茲立願重
刊以廣其傳度婦人一切苦厄又於光緒戊申
年菊月余供職直隸保陽得周臞翁名醫所傳
小兒初生開口稀痘神效方屢試神應之至亦
濟世嬰兒之良方也茲併刊居家必用方之後

俾同志者輾轉傳佈以垂不朽云耳淮陰張建
功東丞氏謹識

中華民國貳年

月

日

江澤春
張建功敬贈

居家必用方

居家以勿藥爲喜。然而有不得不服藥者。婦女爲居家必
有之人。產育爲居家必有之事。萬一不慎。生死係之。余得
難產第一良方。歷數年來。獲效如神。百不失一。誠神道資
生之橐籥也。爰付梓人。質諸同志。願爲舉世。度婦人一切
苦厄。名之曰居家必用方。古越姚文田。秋農氏識於京
邸客舍。

難產神驗良方

大熟地 一兩
甘枸杞子 一兩
白歸身 三錢

潞黨參 三錢

蜜炙黃耆 一兩

白茯神 三錢

醋炙龜板 三錢

如交骨不開
可加至一兩

酒炒白芍 三錢

川芎 一錢

炙甘草 一錢

右藥十味。秤足分兩。不可增減。產久不下。連服此方四五劑。卽下如神。但用頭汁。不用次汁。必須濃煎滿飲。少則無效。如產已下。此方斷不可服。

凡鄉居遠市者。須於臨月時。預買四五劑。留家備用。

產本無難。瓜熟蒂落。達生編詳言之矣。然而有難產者。何哉。蓋氣以成質。血以成形。夫人而知之矣。產婦自受胎而

後。氣以運胎。血以養胎。十月滿足。然後臨盆。到此時候。產婦氣血亦云竭矣。每見難產之家。張皇失措。動以破血散氣諸方。速之使下。不知氣愈散。則產愈難。間有用藏香等物。竄觸使下。不知香能散氣。亦能提氣。氣愈提。則產愈難。甚至聽信穩婆手探刀割。母子性命存亡頃刻。此種惡習。尤爲可慘。此方專補氣血。氣足。則易於送胎出門。血足。則易於滑胎落地。此理甚明。人所易曉。第恐難產之家。或滑於旁人之議論。或拘於產婦之體質。或嫌製方之平常。或嫌藥味之太重。故置論辨數則於後。

一或問。產婦氣質不同。虛者。固宜峻補。實者。此方亦可服乎。
答曰。可。婦人臨產。如臨敵。醫生用藥。如用兵。譬如萬夫不
當之將。到對壘時。不無氣喘神危。得一勇士。拔刀相助。自
然全勝。婦人到臨產時。骨開肉裂。血破氣下。平時雖屬有
餘。臨時斷無不虛。此方誠可助一臂之力也。

一或問。臨產受感冒。此方亦可服乎。答曰。感冒者。風邪也。治
之不外汗吐下三法。臨產歛息屏氣。上部毛竅已開。卽有
感冒邪從外解矣。下部交骨已開。胞水逆流。卽有感冒邪
從下解矣。服此方。是以正辟邪也。

一或問。臨產服人參。不較此方更妙乎。答曰。人參之力緩。此方之力速。人參之力。如和風甘雨。此方如烈風暴雨。譬如大旱。必須大雨。譬如凍餒待斃之人。給之以錢。何如給之以衣食爲速活乎。無論近時人參。絕少佳者。卽有好。參亦不敵此方之妙。假如富家貴族。有力用參。照方去黨參。用人參三錢。另煎和入。未爲不可。若用獨參湯。斷不濟事也。一或問。產痛與試痛異乎。答曰。異。產痛者。兒身已轉。交骨已開。胞水已破。腹痛而腰如墜也。試痛者。兒身內轉。交骨未開。胞水未破。腹痛而腰不墜也。此方無論試痛產痛俱可。

煎服。余媳於癸卯年分娩三日不下。舉家驚慌。蒙友人以此方見贈。連服數劑。并立願刊施一千張。安臥片時。覺精神稍健。次日禿然而產。則此方之神驗。更可知矣。產已下。此方斷不可服。急用生化湯二劑。以去惡露爲要。附方於後。

生化湯方

當歸

六錢

川芎

四錢

炒乾薑

五分

桃仁泥

五分

炙甘草

五分

右藥五味。水一盅。黃酒一盅。煎至一盅。熱服。兌入童便一

虛更妙。

醫者意也。意明理達。然後可以言醫。右難產神驗良方。簡而不繁。正而不謔。余試驗久矣。歲戊子。旅居京邸。秋農姚君。繕讐成帙。喜其辨論詳明。瞭如指掌。願同志者。展轉傳佈。雖小道。亦足以不朽云。

吳興李宗昉芝齡氏跋

余於京師得此方。屢試屢驗。親友家有難產者。勸服此方。無不立效。洵催生良藥也。爰重刊之。以廣其傳。戊午中秋後五日。姚江邵燦。又村氏謹識於淮安節署。

附胞衣不下妙方

胞衣不下。由於氣虛。一切方藥。恐倉卒間。未必應用。卽用之。亦未必速效。若用頭髮探喉。恐一嘔之後。其氣更虛。倘再不下危矣。余得妙方於錢塘高太史處。屢試屢驗。百不失一。其方用高麗蓼三錢。於臨產日。預煎備用。俟兒已產。卽令服下。其效如神。切莫聽庸醫之言。謂已產不能服蓼。致令誤事。此亦生死關頭。不可不慎。故附及之。又村氏并識。

附小兒初生開口稀痘神效方

凡小兒生下六個時辰內先與此藥服下俟杜癩普別方可食乳

嬰兒痘毒。因受母腹瘀血穢惡之氣。小兒生下。又不爲消

盡。至出痘之時。種種危險。或未出痘之先。驚風瘡痍。皆由于此。兒生下六個時內。卽服此藥。解下瘀血。如黑膝膠痰。再停半日。或一日。俟瘀血解盡。兒服瀉軟方可與乳吃。以後痘可不出。卽出亦稀少。神效無比。

生錦紋大黃

五分酒拌

桃仁

五枚去皮尖搗
雙仁者不用

歸尾

五分

紅花

三分

生甘草

一分

用河水

一大酒盅。煎至半盅。

用新棉花浸入此藥汁。擠入兒口內。服完。凡服此藥。要在初生下六個時內。遲則無益。因初生瘀血在上部。用藥一推。卽俟瘀血解盡。肚腹瀉軟。方可食乳。若腹尙飽硬。可用

手輕輕向下推磨。再俟半日。肚瀉可再與乳矣。
方內所用大黃。性雖猛烈。所用不多。有形毒滯。非此不可
得出。與小兒毫無傷損。可放心服之。此乃周臞翁所傳。神
應之至。凡服此方。俱皆成人。

小兒擦臍方

枯礬 二錢五分 麝香 五厘 冰片 五厘 硃砂 二分 硼砂 二錢五分
共碾細末。磁瓶收貯。小兒初生。剪落臍帶。將此藥敷上。
用新棉花一塊。蓋在藥上。外用軟布包裹。洗三時。將棉花
取下。洗浴後。仍將餘藥敷上。照前包蓋。俟臍帶落時。將臍

上蓋藥棉花放于碗內燒灰。俟火氣去盡。再敷在臍上。永無臍風之患。

以上二方。在產前備上。免臨時有悞。

小兒剃胎頭法

小兒初剃胎頭。擇天恩黃道吉日。切不可用火日。並丙丁等日。又要天清氣朗。如遇陰雨風雷。改日再剃。剃後將此藥擦上。

杏仁

三枚去皮尖

薄荷葉

三片

以上二藥。共碾細末入生芝麻油一滴。膩粉拌和。俟剃髮

後先將開水晾溫。輕輕將頭皮洗盡。擦乾。卽將此藥擦上。既可避風。又免生熱毒等症。小兒剃頭。須在屋內。千萬不可見風。

凡小兒初生下地卽不啼哭奄奄如死者。急看喉間懸癆。前上齶有一泡。速用指甲摘破。急以帛拭去惡血。方令喉下卽能通聲啼哭。

凡小兒初生大小便不通。腹脹欲絕者。急令婦人以溫水漱口。嘔兒前後心并臍下及手足心共七處。以紅赤色爲度。卽通。

萬金不傳遇仙丹

專治胎前難產歷經驗過

凡產婦累日不下危急之至將草麻子十四粒去殼明硃砂一錢半雄黃一錢半蛇蛻一尺燒存性共研細末用漿水飯和丸如彈子大先用椒湯淋溼產婦臍下後將藥一丸放于臍中用紙數重覆以闊帛束之若兒頭生下急取去之

凡產血暈不省人事用五靈脂二兩半生半炒爲末每服一錢白滾湯調下如口噤者抉開灌之入喉卽愈

凡產婦中風不省人事口吐涎沫手足癱瘓用歸身荊芥等

分爲末每服二錢水一盞酒少許童便少許煎七分灌之
下咽卽愈

治小兒驚風方 用麝香一分飛麵少許眞米醋調勻爲
丸按入小兒臍內外將膏藥封好一晝立愈

治小兒急驚風方 母子香一個冷水磨服卽愈

治小兒急驚風方 用蚌切開瀝水灌小兒口內卽愈

治難產秘傳方 用妊婦頭髮一握含口內惡心吐出下亦
產矣

民國六年五月卽舊歷丁巳年三月重印

#41

772633